



საჯარო სამართლის იურიდიული პირი
ილიას სახელმწიფო უნივერსიტეტი



ბრძანება

ქ. თბილისი

N 753-03

14/04/2025

2025-2026 სასწავლო წლის შემოდგომის სემესტრში სსიპ ილიას სახელმწიფო უნივერსიტეტის მეცნიერებათა და ხელოვნების ფაკულტეტის საბაკალავრო პროგრამებზე „გრაფიკის ხელოვნება (ძირითადი და დამატებითი სპეციალობა)“ და „გამოყენებითი ხელოვნება - მხატვრული კერამიკა საჯარო სივრცეებისათვის (ძირითადი და დამატებითი სპეციალობა)“ ჩარიცხვის მსურველი აბიტურიენტებისთვის, ან იმ პირთათვის, რომელთაც სურთ ქართულ ენაში მომზადების საგანმანათლებლო პროგრამის დასრულების შემდეგ სწავლა განაგრძონ საბაკალავრო პროგრამებზე „გრაფიკის ხელოვნება (ძირითადი და დამატებითი სპეციალობა)“ და „გამოყენებითი ხელოვნება - მხატვრული კერამიკა საჯარო სივრცეებისათვის (ძირითადი და დამატებითი სპეციალობა)“ შემოქმედებითი ტურის რეგისტრაციის ვადებისა და პირობების დამტკიცების შესახებ

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, საქართველოს განათლებისა და მეცნიერების მინისტრის 2013 წლის 11 სექტემბრის №134/ნ ბრძანებით დამტკიცებული „საჯარო სამართლის იურიდიული პირის ილიას სახელმწიფო უნივერსიტეტის წესდების“ მე-18 მუხლის მეექვსე პუნქტის, საქართველოს განათლებისა და მეცნიერების მინისტრის 2011 წლის 18 თებერვლის №19/ნ ბრძანებით დამტკიცებული „ერთიანი ეროვნული გამოცდების ჩატარების დებულებისა და სახელმწიფო სასწავლო გრანტის განაწილების წესის“ მე-8 მუხლის, რექტორის 2024 წლის 18 აპრილის N758-03 ბრძანებით დამტკიცებული „სსიპ ილიას სახელმწიფო უნივერსიტეტის მეცნიერებათა და ხელოვნების ფაკულტეტის საბაკალავრო პროგრამების - „გრაფიკის ხელოვნება (ძირითადი და დამატებითი სპეციალობა)“ და „გამოყენებითი ხელოვნება - მხატვრული კერამიკა საჯარო სივრცეებისათვის (ძირითადი და დამატებითი სპეციალობა)“ შემოქმედებითი ტურის დებულების“ საფუძველზე, მეცნიერებათა და ხელოვნების ფაკულტეტის დეკანის 2025 წლის 11 აპრილის N5756-35 სამსახურებრივი ბარათის გათვალისწინებით,

ვბრძანებ

1. 2025-2026 სასწავლო წლის შემოდგომის სემესტრში სსიპ ილიას სახელმწიფო უნივერსიტეტის მეცნიერებათა და ხელოვნების ფაკულტეტის საბაკალავრო პროგრამებზე: „გრაფიკის ხელოვნება (ძირითადი და დამატებითი სპეციალობა)“ და „გამოყენებითი ხელოვნება - მხატვრული კერამიკა საჯარო სივრცეებისათვის (ძირითადი და დამატებითი სპეციალობა)“ ჩარიცხვის მსურველ აბიტურიენტთათვის, ან იმ პირთათვის, რომელთაც სურთ ქართულ ენაში მომზადების საგანმანათლებლო პროგრამის დასრულების შემდეგ სწავლა განაგრძონ საბაკალავრო პროგრამებზე: „გრაფიკის ხელოვნება (ძირითადი და დამატებითი სპეციალობა)“ და „გამოყენებითი ხელოვნება - მხატვრული კერამიკა საჯარო სივრცეებისათვის (ძირითადი და დამატებითი სპეციალობა)“, შიდასაუნივერსიტეტო შემოქმედებითი ტურზე ელექტრონული რეგისტრაციის ვადა განისაზღვროს 2025 წლის 2 მაისიდან 2025 წლის 22 მაისის ჩათვლით. შემოქმედებითი ტურზე რეგისტრაცია შესაძლებელი იქნება შემდეგ ბმულზე: <https://forms.gle/XfLrkoCcSDTpjta19>

2. ელექტრონული რეგისტრაციისას განაცხადთან ერთად წარმოდგენილ უნდა იქნას პორტფოლიო, პირადობის დამადასტურებელი დოკუმენტი, უცხო ქვეყნის მოქალაქის შემთხვევაში - პასპორტის (ან პირადობის მოწმობის) სანოტარო წესით დამოწმებული თარგმანი;

3. იმ შემთხვევაში თუ აბიტურიენტი შშმ ან/და სსსმ პირია და საჭიროებს სპეციფიკურ საგამოცდო გარემოს, აღნიშნული უნდა მიუთითოს განცხადებაში და წარმოადგინოს შესაბამისი დამადასტურებელი დოკუმენტი (სათანადო ცნობა).

4. შემოქმედებითი ტური ჩატარდება ამ ბრძანების დანართში მოცემული პირობების შესაბამისად.

5. დაევალოს მეცნიერებათა და ხელოვნების ფაკულტეტს, შემოქმედებითი ტურის პირველადი შედეგები განთავსოს უნივერსიტეტის ვებგვერდზე ერთი თვის ვადით, არაუგვიანეს 2025 წლის 2 ივნისისა, მხოლოდ უნიკალური საიდენტიფიკაციო კოდისა და მიღებული შედეგის მითითებით;

6. შიდასაუნივერსიტეტო შემოქმედებითი ტურის შედეგებთან დაკავშირებით სააპელაციო განაცხადების მიღება იწარმოებს 2025 წლის 3 ივნისის 10:00 საათიდან 10 ივნისის 18:00 საათამდე შემდეგ ელექტრონულ მისამართზე: Tour.Arts@iliauni.edu.ge

7. შესაბამისი კომისია სააპელაციო განაცხადებებს განიხილავს 2025 წლის 12-17 ივნისს;

8. დაევალოს მეცნიერებათა და ხელოვნების ფაკულტეტს, საბოლოო შედეგები უნივერსიტეტის ვებ გვერდზე განთავსოს ერთი თვის ვადით არაუგვიანეს 2025 წლის 20 ივნისისა, 15:00 საათამდე, მხოლოდ უნიკალური საიდენტიფიკაციო კოდისა და შესაბამისი შედეგის მითითებით;

9. მეცნიერებათა და ხელოვნების ფაკულტეტის საბაკალავრო პროგრამებზე: „გრაფიკის ხელოვნება (ძირითადი და დამატებითი სპეციალობა)“ და „გამოყენებითი ხელოვნება - მხატვრული კერამიკა საჯარო სივრცეებისათვის (ძირითადი და დამატებითი სპეციალობა)“ შემოქმედებითი კონკურსის ქულებს არ ენიჭება კოეფიციენტები და ისინი არ იქნება გათვალისწინებული რანჟირებაში ერთიანი ეროვნული გამოცდების ქულებთან ერთად

10. მეცნიერებათა და ხელოვნების ფაკულტეტის დეკანს დაევალოს, 2025 წლის 15 მაისამდე გამოსცეს ინდივიდუალური ადმინისტრაციულ-სამართლებრივი აქტი საბაკალავრო პროგრამის „გრაფიკის ხელოვნება (ძირითადი და დამატებითი სპეციალობა)“ და „გამოყენებითი ხელოვნება - მხატვრული კერამიკა საჯარო სივრცეებისათვის (ძირითადი და დამატებითი სპეციალობა)“ შემოქმედებითი ტურის ფარგლებში წარმოდგენილი ნამუშევრების შემფასებელი და სააპელაციო კომისიების შექმნის შესახებ;

11. დაუშვებელია სააპელაციო კომისია შედგებოდეს იმ პირებისგან, რომლებსაც მონაწილეობა აქვთ მიღებული შემფასებელ კომისიაში.

12. მეცნიერებათა და ხელოვნების ფაკულტეტს დაევალოს, არაუგვიანეს 2025 წლის 23 ივნისისა მიღებული შედეგები გაუზიაროს რექტორს შიდასაუნივერსიტეტო შემოქმედებითი ტურის დებულებით დადგენილი პირობების შესაბამისად;

13. დაევალოს უნივერსიტეტის იურიდიულ სამსახურს, მოამზადოს წერილის პროექტი სსიპ შეფასებისა და გამოცდების ეროვნულ ცენტრში კონკურსის შედეგების გაგზავნის მიზნით, არაუგვიანეს 2024 წლის 27 ივნისისა.

14. უნივერსიტეტის საზოგადოებასთან ურთიერთობის სამსახურს დაევალოს ამ ბრძანების გამოქვეყნება უნივერსიტეტის ვებ გვერდზე და ამ ბრძანებაში მითითებული ინფორმაციის გაცნობა დაინტერესებულ პირთათვის.

15. უნივერსიტეტის კანცელარიას დაევალოს, მიაწოდოს ამ ბრძანების ასლები მეცნიერებათა და ხელოვნების ფაკულტეტს, რექტორის აპარატს, ადმინისტრაციის ხელმძღვანელის აპარატს, საზოგადოებასთან ურთიერთობის სამსახურს, ხარისხის უზრუნველყოფის სამსახურს, იურიდიულ სამსახურს, საინფორმაციო ტექნოლოგიების სამსახურს, უნივერსიტეტის კანცელარიას, ადმინისტრაციის ხელმძღვანელს, რექტორის მოადგილეს, საერთაშორისო ურთიერთობების სამსახურს, განვითარების სამსახურს, დაცვისა და უსაფრთხოების სამსახურს, ბიბლიოთეკას, შემოსავლების აღრიცხვისა და ანალიზის დეპარტამენტს, მატერიალური რესურსების სამსახურს.

ნინო დობორჯგინიძე

რექტორი

